



Sembang@Waghih

أونيت حال احوال اسلام

BIL.2

1 SEPTEMBER 2025
(8 RABIULAWAL 1447H)

(PENA UNIT HAL EHWAL ISLAM UiTMCNS)

Oleh : Puaad Osman – Penolong Pendaftar Kanan (HEI)

MUTIARA HADIS NABI

صَلَّى اللَّهُ
عَلَيْهِ
وَسَلَّمَ



GALAKKAN SUPAYA TEKUN BERUSAHA

عَنْ أَبِي هُرَيْرَةَ، أَنَّ رَسُولَ اللَّهِ ﷺ قَالَ
لَأَنْ يَخْتَطِبَ أَحَدُكُمْ حُزْمَةً عَلَى ظَهْرِهِ خَيْرٌ لَهُ
مِنْ أَنْ يَسْأَلَ أَحَدًا، فَيُعْطِيَهُ أَوْ يَمْنَعَهُ

Terjemahan :

“Seseorang di antara kalian memikul seikat kayu di atas belakangnya lebih baik baginya daripada dia meminta-minta kepada orang lain, yang mungkin memberinya atau tidak memberinya.”

Riwayat Al-Bukhari & Muslim

Nilai Usaha Sendiri

Rasulullah ﷺ menekankan bahawa berusaha dengan tangan sendiri, walau dengan pekerjaan yang kelihatan remeh seperti mengutip kayu api, lebih mulia dan terhormat berbanding hidup meminta-minta.

Islam Menganjurkan Ketekunan dan Daya Usaha

Hadis ini menjadi bukti bahawa Islam amat menggalakkan umatnya untuk bekerja dan bersungguh-sungguh dalam kehidupan, tanpa bergantung kepada bantuan orang lain jika masih mampu berusaha.

Menjaga Maruah Diri

Orang yang tekun bekerja menjaga kehormatan dirinya, berbanding mereka yang suka meminta-minta yang boleh menjatuhkan maruah dan mengikis nilai harga diri.

Penutup

Hadis ini sangat relevan dalam dunia hari ini, di saat ramai yang mudah putus asa, mahu jalan pintas, dan hidup bersandar pada bantuan, Islam mengajar untuk tetap gigih, sabar dan bekerja keras berusaha tanpa lelah, dan bertawakal penuh pada Allah.



20 Ogos 2025 (Rabu) – Kakitangan Unit Hal Ehwal Islam UiTM Cawangan Negeri Sembilan telah mengadakan Lawatan Penanda Aras Dan Ziarah Mahabbah ke Bahagian Hal Ehwal Islam UiTM Shah Alam.

Ustaz Nor Mohd Faisal bin Ariffin, Timbalan Pendaftar Hal Ehwal Islam telah mengetuai rombongan bersama Pegawai, Imam, dan Bilal dari Kampus Kuala Pilah, Kampus Seremban, dan Kampus Rembau.

Rombongan disambut oleh Pengarah Bahagian Hal Ehwal Islam, Ustaz Haji Hanafi Haji Hamdani bersama Timbalan – Timbalan Pengarah Bahagian Hal Ehwal Islam. Didalam ucapan pengarah telah memberikan penekanan terhadap pemerkasaan peranan dan fungsi Unit Hal Ehwal Islam di UiTM Cawangan.

